

**SAMÞYKKT**

170

30. nóv.

**um forkaups- og forleigurétt á lóðum og fasteignum á Flateyri.**

Samkvæmt heimild í lögum nr. 22 frá 23. júní 1932, um forkaupsrétt kaupstaða og kauptúna á hafnarmannvirkjum o. fl., hefur hreppsnefnd Flateyjarhrepps samþykkt á fundi sínum 4. október 1948 að áskilja Flateyrarhreppi forkaups- og forleigurétt á eftirtöldum lóðum og fasteignum á verzlunarlóð kaupsins:

1. Allar lóðir og fasteignir Kaupfélags Önfirðinga austan Hafnarstrætis og framlingingu þess til sjávar úr Oddatá.
2. Allar lóðir og fasteignir Ísfells h/f austan Hafnarstrætis.
3. Allar lóðir og fasteignir Ásgeirs Guðnasonar austan Hafnarstrætis.
4. Allar lóðir og fasteignir sildarverksmiðju ríkisins á Sólbakka.

Samþykkt þessi öðlast þegar gildi og gildir í 5 ár frá dagsetningu hennar að telja. Birtist hún hér með til eftirbreytni öllum þeim, sem hlut eiga að máli.

*Félagsmálaráðuneytið, 30. nóvember 1948.*

**Stefán Jóh. Stefánsson.**

*Jónas Guðmundsson.*

**JARÐRÆKTARSAMÞYKKT**

171

7. des.

**fyrir jarðræktarsambandið Smári í Suður-Pingeyjarsýslu.**

Búnaðarfélag Skútustaðahrepps, Búnaðarfélag Laxdæla og Búnaðarfélag Reykdæla gera á grundvelli laga nr. 7 12. jan. 1945 svofellða ræktunarsamþykkt:

**I. KAFLI****Takmörk samþykktarsvæðis og markmið.****1. gr.**

Ræktunarsambandið nær yfir eftirgreind hreppabúnaðarfélag: Búnaðarfélag Reykdæla, Búnaðarfélag Laxdæla og Búnaðarfélag Skútustaðahrepps.

**2. gr.**

Ræktunarsambandið tekur að sér á þann hátt, sem fyrir er mælt í samþykkt þessari, eftirgreind verkefni á öllum jörðum á samþykktarsvæðinu, að undanskildum þeim, er falla undir ákvæði VI. kafla jarðræktarlaga nr. 54 4. júní 1942, um búferlaflutning:

1. Að ræsa fram land til túnræktar, garðræktar, beitiræktar og engjaræktar. Tekur framkvæmd verksins til fullnaðarframræslu á landinu að opnum skurðum, svo og lokræsum, þar sem þess er þörf, eins og fyrir verður mælt af trúnaðarmanni, er Búnaðarfélag Íslands samþykkir til að hafa á hendi undirbúning um hvernig verkið skuli framkvæmt.
2. Að framkvæma jarðvinnslu á tünnum jarða á félagssvæðinu, sem ekki eru vél-tæk. Nær það til plægingar, herfingar og jöfnunar landsins. Hverjar vinnslu-

- 171 aðferðir verða viðhafðar á hverjum stað fer eftir fyrirsögn trúnaðarmanns  
7. des. Búnaðarfélags Íslands.
3. Að taka að sér jarðvinnslu til nýræktar túna eða garða. Nær það til fullnaðarvinnslu landsins á sama hátt og gert er ráð fyrir í síðustu málsgrein undir lið 2.
  4. Að framkvæma sléttun engja, svo þær verði véltækar, hvort heldur það er gert með völtun, vinnslu lands, flóðgarðahleðslu eða öðrum aðferðum eftir fyrirsögn trúnaðarmanns Búnaðarfélags Íslands.

## II. KAFLI

### Skipun og verksvið framkvæmdastjórnar.

#### 3. gr.

Búnaðarfélög þau, sem eru í ræktunarsambandinu, kjósa fulltrúaráð þess, einn fulltrúa fyrir hverja 10 félagsmenn og brot af 10, sem er meira en helmingur.

Stjórn sambandsins er skipuð fimm mönnum, og eru formenn búnaðarfélaganna sjálfkjörnir í stjórnina, en tveir skulu kosnir af fulltrúaráði á aðalfundi til tveggja ára. Gengur annar þeirra úr stjórninni eftir eitt ár, samkvæmt hlutkesti og síðan sinn maðurinn hvort árið eftir röð. Stjórnarnefndarmenn má endurkjósa.

#### 4. gr.

Stjórnin skiptir með sér verkum. Formaður boðar til funda og stýrir þeim. Ritari sér um bókun fundargerða. Gjaldkeri hefur á hendi reikningshald fyrir allar þær framkvæmdir, sem gerðar eru á grundvelli samþykktarinnar og annast allar innheimtur og greiðslur eftir ávísun formanns.

#### 5. gr.

Stjórn ræktunarsambandsins annast kaup á nauðsynlegum vélum og verkfærum til skurða og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

#### 6. gr.

Stjórnin sér um kaup á öllu því, er með þarf, til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir fjárhæð, er svarar til verðgildis þessara eigna, eins og þær eru á hverjum tíma.

#### 7. gr.

Stjórnin annast um allan rekstur vélanna. Henni ber að gera og undirrita alla verktökusamninga við hina einstöku framkvæmdaaðila á félagssvæðinu, og ákveða á hverjum tíma og í hverri röð verkefnin eru tekin, sem unnið skal að.

#### 8. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn, getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

#### 9. gr.

Allir samningar, er stjórnin og framkvæmdastjóri gera fyrir hönd ræktunarsambandsins, samkvæmt samþykktum þessum, eða ályktunum aðalfunda sambandsins, eru skuldbindandi fyrir félagsheildina og hreppabúnaðarfélögin, er að samþykktunum standa, án þess það hafi verið sérstaklega undir þau horið. Stjórn og framkvæmdastjóri bera ábyrgð gerða sinna fyrir aðalfundi ræktunarsambandsins.

## III. KAFLI

## Um tilhögun framkvæmda.

171

7. des.

## 10. gr.

Skylt er stjórnnum búnaðarfélaganna, hverri á sínu svæði, fyrir febrúarlok ár hvert, að skrá verkbeiðnir félagsmanna. Skal þar tilgreint, hverjar jarðabætur óskað er, að unnar séu á því ári, svo og verkmagn þeirra. Skýrslum þessum ber að skila til ræktunarsambandsstjórnar eigi síðar en 1. marz ár hvert.

Skýrslunni fylgi, frá verkkaupendum, greiðsluskuldbinding hvers fyrir sig, og enn fremur yfirlýsing félagsstjórnar búnaðarfélagsins, að það takist á hendur ábyrgð á greiðslum sinna félagsmanna fyrir þau verk, sem hjá þeim verða unnin á því starfsári.

## 11. gr.

Að fengnum þeim skýrslum, sem um ræðir í 10. gr., ber framkvæmdastjórn ræktunarsambandsins að semja starfs- og rekstursáætlun fyrir yfirstandandi ár. Rísi ágreiningur innan framkvæmdastjórnar um veigamikil atriði áætlunarinnar, ber að leggja hana fyrir aðalfund ræktunarsambandsins til samþykktar. Framkvæmdastjórn er skylt að fylgja samþykktri starfsáætlun, eftir því sem við verður komið.

## 12. gr.

Við undirbúning starfsáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því, sem við verður komið, án þess að valdi óhæfilegum aukakostnaði í flutningi véla og verkfæra.
2. Að túnasléttun, að öðru jöfnu, sé látin sitja fyrir öðrum ræktunarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands.
4. Að framræsla bithaga komi að jafnaði því aðeins til greina, að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo því marki verði náð, að allur heyskapur verði tekinn á vélfæru landi.

## IV. KAFLI

## Um verðlagsákvarðanir og greiðslu kostnaðar.

## 13. gr.

Kostnaður við framkvæmdir, er í samþykkt þessari getur, greiðist af verkkaupanda eftir þeim skildaga og á þann hátt, er tilgreint verður í verktökusamningi þeim, er um getur í 7. grein þessarar samþykktar. Heimilt er stjórn ræktunarsambandsins að láta greiðslur fara fram eftir áætluðum verktöxtum á meðan vinna stendur yfir ár hvert, en fullnaðargreiðsla sé samkvæmt kostnaðarverði, eins og það verður samkvæmt rekstursreikningi hvers árs. Áætlaðir verktaxtar séu miðaðir við tímæiningu.

## 14. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutninga þeirra á milli vinnustaða, viðhald véla, er stafar af eðlilegu sliti þeirra, geymslu vélanna, vaxtagreiðslur, kostnaður við verkstjórn og stjórnarkostnaður. Heimilt er ræktunarsambandsstjórn að ákveða og leggja á framkvæmdakostnað áhættuþóknun, er nemi allt að 5% af heildarkostnaði hvers árs.

171

7. des.

Aðalfundur ræktunarsambandsins getur heimilað framkvæmdastjórn að taka ákvæðin verk, sem tilgreind eru í 2. gr. þessarar samþykktar, í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

15. gr.

Heimilt er framkvæmdastjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verk-efni fyrir búendur, hreppsfélag eða aðra aðila á félagssvæðinu, þó þau falli ekki undir ákvæði 2. gr., ef tryggt er, að það sé hagkvæmt fyrir ræktunarsambandið, enda sé tryggt, að vélakostur sé ekki festur við þessi störf, svo það brjóti í bága við hagsmuni samþykktaraðila.

16. gr.

Rekstursafgangur af áhættuþóknun, svo og ef ágóði verður af ákvæðisvinnu eða þeim verkum, sem um getur í 16. gr., skal leggjast í stofnsjóð ræktunarsambandsins og varið samkvæmt ákvæðum þeim, er um hann gilda, sbr. 18. gr.

## V. KAFLI

### Fjáröflun og trygging.

18. gr.

Ræktunarsambandið myndar stofnsjóð til vélakaupa. Stofnfjárhæð hans skal vera 100 þús. krónur.

Tekjur stofnsjóðs eru:

1. Helmingur stofnfjárins er framlag Framkvæmdasjóðs ríkisins þá er það greiðist, samkvæmt ákvæðum 9. gr. laga um jarðræktar- og húsagerðarsamþykktir í sveitum.
2. Einn áttundi hluti stofnfjár er óafturkræft framlag Búnaðarsambands Suður-Þingeyinga.
3. Einn áttundi hluti stofnfjár er óafturkræft framlag frá hlutaðeigandi búnaðarfélagum í hlutfalli við tölu félagsmanna í árslok 1946.
4. Einn fjórða hluta er heimilt að taka að láni með ábyrgð félaganna.
5. Auk þess leggjast í stofnsjóð tekjur þær, sem inn kunna að koma samkvæmt ákvæðum 17. gr.

19. gr.

Stofnfjárframlag búnaðarfélaganna greiðist til framkvæmdastjórnar, þegar samþykkt þessi hefur öðlzt gildi.

20. gr.

Komi í ljós síðar, að álitu framkvæmdastjórnar, að auka þurfi stofnsjóð, ber henni að gera rökstuddar tillögur til búnaðarfélaganna um stofnfjárukningu, og ber þeim að leggja tillögurnar fyrir almennan félagsfund til samþykktar, áður en fulltrúar eru kosnir á aðalfundi ræktunarsambandsins. Ef meiri hluti löglega kjörinna fulltrúa á aðalfundi ræktunarsambandsins samþykkir stofnfjárukninguna, er hún bindandi fyrir búnaðarfélagin.

21. gr.

Heimilt er framkvæmdastjórn að taka reksturslán gegn tryggingu í þeim jarðræktarstyrk, er á umbæturnar verður greiddur úr ríkissjóði samkvæmt ákvæðum II. og V. kafla jarðræktarlaga.

## 22. gr.

171

7. des.

Skyll er samþykktaraðilum að hafa greitt til framkvæmdastjórnar  $\frac{3}{4}$  af áætluðu kostnaðarverði, að frádrögnum áætluðum jarðabótastyrk þeirrar vinnu, er þeir hafa pantað, áður en verkið er hafið. Eftirstöðvarnar greiðast með gjalddaga, er verk-lökusamningur ákveður.

## VI. KAFLI

## Um reikningshald og endurskoðun.

## 23. gr.

Reikningsár félagsins er almanaksárið, og skal reikningsskilum lokið svo tímanlega, að endurskoðun geti farið fram, áður en aðalfundur ræktunarsambandsins er haldinn, en hann skal haldinn eigi síðar en 31. marz ár hvert. Skulu endurskoðendur sannprófa, að reikningum beri saman við bækur framkvæmdastjórnar.

## 24. gr.

Endurskoðendur séu tveir og einn til vara, kjörnir á aðalfundi ræktunarsambandsins til eins árs í senn. Þeir skulu kynna sér reksturinn sem bezt og hafa eftirlit með starfrækslu framkvæmdastjórnar í hvivetna.

## 25. gr.

Endurskoðaðir reikningar skulu lagðir fram til samþykktar á aðalfundi ræktunarsambandsins. Þar gefur framkvæmdastjórnin skýrslu um starfsemina, svo og endurskoðendur, ef tilefni er.

## VII. KAFLI

## Um breyting samþykktar, og hvernig samþykkt verði úr gildi fellt.

## 26. gr.

Tillögur, er fram kunna að koma til breytinga á samþykkt þessari frá einstökum búnaðarfélögum eða framkvæmdastjórn, skulu sendar stjórnnum allra búnaðarfélaganna, er að samþykktinni standa samkvæmt 1. gr. Stjórnir búnaðarfélaganna leggja tillögurnar fyrir almennan fund, hver í sínu félagi. Nái þær samþykki meiri hluta félaganna, skulu þær lagðar fyrir aðalfund ræktunarsambandsins. Samþykki löglegur aðalfundur breytingarnar með að minnsta kosti  $\frac{3}{5}$  atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, sem leitar staðfestingar landbúnaðarráðherra á þeim.

## 27. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um, að tilgangi samþykktar verði ekki náð, og lög-mætur aðalfundur sambandsins samþykki það með að minnsta kosti  $\frac{3}{5}$  hlutum atkvæðisbærra fundarmanna, enda komi samþykki landbúnaðarráðherra til.

## 28. gr.

Með brot á samþykkt þessari skal farið sem almenn lögreglumál.

## 29. gr.

Samþykkt þessi gengur í gildi, er hún hefur verið staðfest af landbúnaðarráðherra.

- 171 Samþykkt þessi, sem er sett samkvæmt lögum nr. 7 12. janúar 1945, um jarð-  
7. des. ræktar- og húsagerðarsamþykktir í sveitum, og reglugerð nr. 36 20. febrúar 1946,  
um jarðræktarsamþykktir, staðfestist hér með til að öðlast gildi þegar í stað og  
birtist til eftirbreytni öllum þeim, er hlut eiga að máli.

*Landbúnaðarráðuneytið, 7. desember 1948.*

**Bjarni Ásgeirsson.**

*Árni G. Eylands.*

- 172  
8. des.

## REGLUGERÐ

fyrir veðmálastarfsemi í sambandi við kappreiðar Hestamannafélagsins  
Léttfeti á Sauðárkróki.

### 1. gr.

Veðfjárupphæðir greinast í 2 kr., 5 kr., 10 kr. og 25 kr., sem greiðast veðmála-  
stofnuninni gegn afhendingu veðmiða.

### 2. gr.

Veðjað er um hver hestur verði hlutskarpastur í hverjum flokki, svo og í úr-  
slitahlaupum.

### 3. gr.

Veðfjárupphæðum hvers hlaups skal skipt þannig:

- a. 80% skal skipt hlutfallslega á þá upphæð, sem veðjað hefur verið á þann hest,  
sem vinnur.
- b. Afganginum (20%) skal varið til reksturs kappreiðanna, til að koma upp  
skeiðvelli í landi Sauðárkrókskaupstaðar, til viðhalds hans og til reiðvega í  
Skagafjarðarsýslu. Má tillag til reiðvegarins aldrei nema minna en 10% af  
hagnaði félagsins af veðmálastarfseminni.

### 4. gr.

Að loknu hverju hlaupi skulu veðmálin reiknuð út, útkoman auglýst og vinn-  
ingar útborgaðir þegar í stað gegn framvísun veðmiða.

### 5. gr.

Engin upphæð verður endurgreidd af veðfé lögðu á hest, sem hleypur upp eða  
fer ekki af stað eða af öðrum ástæðum kemur ekki til greina samkvæmt happdrættis-  
reglum félagsins.

### 6. gr.

Ef hlaup verður ógilt í heild endurgreiðist veðféð að frádregnum 20%.

### 7. gr.

Vinningar útborgast aðeins í heilum krónum, og er ekki ábyrgt að innskot  
fáiast að fullu aftur.

### 8. gr.

Þeir sem veðja eru í einu og öllu háðir kappreiðareglum félagsins og úrskurð-  
um dómnefndar, t. d. missir hestur rétt til verðlauna, er knapi er dæmdur úr leik  
o. s. frv.